



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0028-22

Ձեռնարկողը՝

«Էյ Դի Մայնինգ» ՍՊԸ

Արագածոտնի մարզ, գ. Դավթաշեն, 4 փ., 2 նրբ. տ. 1

Գործունեությունը՝ Շղարշիկի տուֆերի հանքավայրի «Արևմտյան»
տեղամասում 2021-2023թ.թ. կադարվելիք
երկրաբանական ուսումնասիրության շրջակա
միջավայրի վրա ազդեցության նախնական
գնահատման հայտ
ՀՀ, Արագածոտնի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0028 - 22

< 31 > 03 2022 թ.

Արագածոտնի մարզի Շղարշիկի տուֆերի հանքավայրի «Արևմտյան» տեղամասում
2021-2023թթ. կատարվելիք երկրաբանական ուսումնասիրության շրջակա միջավայրի վրա
ազդեցության նախնական գնահատման հայտ

Ձեռնարկող՝

«Էյ Դի Մայնինգ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Արագածոտնի մարզ, Շղարշիկ համայնք

Ներածական մաս. Շղարշիկի տուֆերի հանքավայրի Արևմտյան տեղամասի երևակումը վարչական տեսակետից գտնվում է Արագածոտնի մարզի Շղարշիկ գյուղի վարչական տարածքում, և զբաղեցնում է 8.8հա մակերեսով տարածք: Հեռավորությունը Եղնիկ գյուղի ամենամոտ բնակելի տարածքներից կազմում է 506մ, Շղարշիկ գյուղի բնակելի տարածքներից՝ 1.06կմ: Երևակման տարածքը գտնվում է 1825-1900մ բացարձակ բարձրությունների վրա: Տեղամասը ասֆալտապատ ճանապարհով կապված է Շղարշիկ գյուղին (1.6կմ), մարզկենտրոնին ք. Աշտարակին (37կմ): Երկրաբանական ուսումնասիրության նպատակով հայցվող տարածքը ներկայացված է գյուղատնտեսական նպատակային նշանակության հողերով, ըստ գործառնական նշանակության դրանք արոտավայրեր են:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործունեության տեսակ:

Նկարագրական մաս. Նախատեսվում է կատարվել տեղամասի տարածքի 1:2000 մասշտաբի տոպոգրաֆիական հանույթ մոտ 8.8հա մակերեսով տարածքում: Երկրաբանահետախուզական աշխատանքների կատարում երևակման ընդհանուր տարածքում, նպատակ ունենալով պարզաբանել տուֆերի որակական հատկանիշները, որոնք պետք է բավարարեն 9479-98 և 4001-98 ԳՕՍ-երի տեխնիկական պահանջներին՝ դրանց պիտանելիությունը որպես երեսապատման և ուղիղ կտրվածքի պատքարի արտադրության համար: Հորատման աշխատանքները կիրականացվեն սյունակային հորատման ուղղաձիգ հորատանցքերի հորատման միջոցով: Հորատումը կկատարվի կարծր համաձուլվածքային



Հորատվող ապարները համապատասխանում են հետևյալ կարգերին.

- IV կարգ, - թարմ, թույլ ծակոտկեն և թույլ ճեղքավորված տուփեր - VII կարգ:

Նմուշարկումն իրականացվելու է հորատանցքերի հորատահանուկից, բնական մերկացումներից ու բացահանքից: Օգտակար հանածոյի ֆիզիկամեխանիկական հատկությունները որոշելու նպատակով նախատեսվում է վերցնել 26 հանուկային նմուշ մինչև 5.0մ երկարությամբ, 2 մենաքար բացահանքից, 4 նմուշ մերկացումներից, ինչպես նաև 2 նմուշ պետրոգրաֆիական ռաումնասիրությունների ու 2 նմուշ քիմիական կազմը որոշելու համար: Վերցված նմուշները կենթարկվեն համապատասխան փորձարկումների, համապատասխան լիցենզավորում ունեցող ընկերության լաբորատորիայում:

Հայցվող տարածքի
եզրակետերի կոորդինատները

Հ/Հ	Կոորդինատները	
	X	Y
1	4474507.1	8410510.4
2	4474561.7	8410540.0
3	4474613.6	8410575.5
4	4474650.5	8410647.6
5	4474723.2	8410693.8
6	4474795.2	8410733.1
7	4474838.5	8410720.9
8	4474881.6	8410719.1
9	4474980.1	8410769.6
10	4475006.0	8410805.1
11	4475039.3	8410835.8
12	4475064.3	8410851.5
13	4475022.2	8410931.6
14	4474776.8	8410904.3
15	4474697.0	8410824.0
16	4474493.3	8410643.0
1	4474507.1	8410510.4



Հետախուզվող տեղամասի ինժեներաերկրաբանական և հիդրոերկրաբանական պայմանների պարզաբանման նպատակով երկրաբանահետախուզական աշխատանքների ժամանակ նախատեսվում է կատարել համապատասխան ուսումնասիրություններ և դիտարկումներ: Հաշվի առնելով տեղամասի ռելիեֆը և արդեն իսկ գոյություն ունեցող դաշտամիջյան ճանապարհները, երկրաբանական ուսումնասիրության ընթացքում հորատման հրապարակների և ճանապարհների շինարարություն չի նախատեսվում:

Օգտակար հանածոյի ճառագայթահիգիենիկ հատկությունները պարզաբանելու համար դաշտային աշխատանքների ընթացքում և հորատման աշխատանքների ավարտից հետո նախատեսվում է կատարել ռադիոմետրիական չափումներ երևակման ամբողջ տարածքում СРП-68-01 ռադիոմետրիական չափիչ սարքի միջոցով:

Ռեկուլտիվացիայի ենթակա հողաբուսաշերտի ծավալը կազմում է 81մ3 (45.0մ x 9.0մ x 0.2մ): Հորատման հարթակներ չեն կառուցվելու, իսկ հաստոցի տեղակայման վայրերում կկատարվի փխրեցում, սերմերի ցանք: Ռեկուլտիվացիոն աշխատանքների իրագործման և հաստոցի տեղակայման վայրերի փխրեցման համար ընկերության կողմից նախատեսվում է 162000 դրամ գումար:

Երևակման տարածքում կատարվելիք շրջակա միջավայրի մոնիթորինգի իրականացման համար գումարները (տարեկան 250.0հազ.դրամ) ներառված են ընկերության շահագործական ծախսերի կազմում:

Ջրային ռեսուրսների աղտոտում տեղի չի ունենա, քանի որ տեղամասի տարածքում մակերևութային և գրունտային ջրերը բացակայում են, իսկ լեռնային աշխատանքների տեխնոլոգիայով արտահոսքեր չեն նախատեսվում:

Անմիջապես երևակման տարածքում ՀՀ բույսերի և կենդանիների Կարմիր գրքերում գրանցած բույսեր և կենդանիներ ինչպես նաև դրանց աճելավայրեր կամ ապրելավայրեր չեն արձանագրվել, տեղամասը ներառված չէ բնության հատուկ պահպանվող տարածքի և պատմամշակութային հուշարձանի սահմաններում:

Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- վառելիքի լիցքավորումը, ինչպես նաև մեքենաների տեխնիկական սպասարկումը կատարվելու է հարակից բնակավայրերի մասնագիտացված կազմակերպություններում, որտեղ և հանձնվելու են փոխված քսայուղերը, սպառողական հատկությունները կորցրած յուղերը,

- կենցաղային աղբը կհավաքվի հատուկ անթափանց տոպրակների մեջ և կտեղափոխվի աղբավայր (նախապես համաձայնեցնելով համայնքապետարանի հետ),

- փոշենստեցման նպատակով փոշեառաջացման օջախների (փորձնական բացահանքի տարածք, ճանապարհ) ինտենսիվ ջրում տարվա չոր և շոգ եղանակներին,

- խմելու և տեխնիկական ջուրը բերվելու է ավտոտրանսպորտով՝ պայմանագրային հիմունքներով,

- կեղտաջրերի հավաքում հորատիպ զուգարանում, որը հետագայում դատարկում են հատուկ ծառայության ուժերով,

- փորձնական բացահանքի տարածքից նախապես 0.2մ հզորությամբ հողային շերտի հեռացում, կուտակում անմիջապես բացահանքի հարևանությամբ և օգտագործում հետագա ռեկուլտիվացիոն աշխատանքների համար: Խախտված տարածքների ռեկուլտիվացիա՝ երկրաբանական ուսումնասիրության ավարտից հետո,



- բուսական աշխարհի օբյեկտների պահպանության և բնական պայմաններում վերարտադրության միջոցառումների իրականացում,
-աշխատակիցների համար սանիտարակենցաղային հարմարությունների ստեղծում՝ հանդերձարան, սեպտիկ հոր և հանգստի սենյակ:

Երկրաբանական ուսումնասիրության աշխատանքների ընթացքում «Էյ Դի Մայնինգ» ՍՊ ընկերությունը իրականացնելու է շրջակա միջավայրի վրա բացասական ազդեցության կանխարգելմանը և մեղմացմանն ուղղված հետևյալ մշտադիտարկումները.

-մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ, տարին երկու անգամ հաճախականությամբ:

-լեռնատրանսպորտային սարքավորումների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ, տարին մեկ անգամ հաճախականությամբ,

-օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ,

-հարակից ձորի հիդրոլոգիական մշտադիտարկում,

-կենսաբազմազանության մշտադիտարկում՝ տարածքին բնորոշ վայրի բնության ներկայացուցիչների քանակ, աճելավայրերի և ապրելավայրերի տարածք, պոպուլյացիայի փոփոխություն (հստակ դիտարկման կետ նշել հնարավոր չէ, դիտարկումը կատարվելու է երևակման և հարակից տարածքներում),

-աղմուկի մակարդակի չափումներ :

Պատճառաբանական մաս. Արագածոտնի մարզի Շղարշիկ համայնքի համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն, ինչպես նաև Արագածոտնի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:



- Անհրաժեշտ է ապահովել հայտում ամրագրված ռեկուզիվացիայի աշխատանքների իրականացումը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Էյ Դի Մայնինգ» ՍՊԸ կողմից ներկայացված Արագածոտնի մարզի Շղարշիկի տուֆերի հանքավայրի «Արևմտյան» տեղամասում 2021-2023թ.թ. կատարվելիք երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնագետ



Հ. Մեսրոպյան